



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola CXX. Gregorii Papae I. Ad Syagrivm Episcopvm
Avgvstodvnensem. De parochiis episcopo Taurinensi subtractis, &
episcopo in iisdem constituto. vt eas illi restituendas curet.

urn:nbn:de:hbz:466:1-15221

quæ loquimur, ex quanto procedant amore pensate, & omnia cum ea qua dicuntur caritate suscipite. Nam dum vnum in Redemptoris nostri corpore corpus sumus, in his quæ vobis nocere sentio simul vror. Qua autem intentione, quove affectu hanc vobis epistolam miserim, cordi vestro veritatis auctor aperiat. Et ideo hæc fraterna vos admonitio non contristet: quia & asperum poculum libenter accipitur, quod intentione salutis offertur. Quod superest, carissimi fratres, iunctis Dei nostri misericordiam precibus exoremus, vt vitam nostram in suo propitius timore disponat, quatenus & hic illi sacerdotaliter deferuire, & in conspectu ipsius in futuro securi assistere & sine metu valeamus.

EPISTOLA CXX.

GREGORII PAPÆ I.

AD SYAGRIVM EPISCOPVM AVGVSTODVNENSEM.

De parochiis episcopo Taurinensi subtractis, & episcopo in iisdem constituto. vt eas illi restituendas curet.

Gregorius Syagrio episcopo Augustodunensi.

SI in rebus sæcularibus suum cuique ius & proprius ordo seruandus est, quanto magis in ecclesiasticis dispositionibus nulla debet induci confusio, ne ibi discordia locum inueniat, vnde pacis debent bona procedere? Quod hac ratione seruabitur, si nihil potestati, sed totum æquitati tribuitur. Perlatum siquidem ad nos est, dilectissimum fratrem nostrum Vrsicinum Taurinæ ciuitatis episcopum, post captiuitatem & deprædationem quam pertulit, graue in parochiis suis, quæ in Francorum sitæ terminis perhibentur, præiudicium pertulisse. Denique vt alter illic contra ecclesiastica statuta, nullo eius crimine deposcente, constitueretur antistes. Et ne leue forsitan videretur huius rei præiudiciale commissum, etiam aliquid doloris est additum, vt res ei ecclesiæ suæ, quas habere potuit, tollerentur. Quod si hæc veritate subsistunt, quia crudele nimis est, & aperte sacris Canonibus inimicum, vt ab altari proprio infontem ambitio remoueat sacerdotem, qui non meretur ex crimine successor; suam in huius præiudicii cuncti causam attendant, vt

qui nolunt perpeti, nec aliis imponant. Nam si prauæ rei aditus antequam diu patefcat non clauditur, vsu fit latior; & erit consuetudine licitum quod ratione constat esse prohibitum. Sed præ ceteris fraternitatis vestræ sollicitudo pro nostra commendatione, ac diuinæ considerationis intuitu, in eius se enixius defensione impendat, & a suis illum amplius contra rationem remotum esse parochiis non permittat: sed tam per se, quam supplicando præcellentissimis regibus, quos vos in nullo credimus contristare, id peragat, vt & hoc quod male factum est corrigatur, & quæ violenter ablata sunt veritate patrocinate reddantur: quia dum scriptum sit: *Frater fratrem adiuvans exaltabitur*; tanto se ab omnipotente Deo caritas vestra nouerit recepturam, quanto præcepta ipsius in adiuvando fratre libenter atque constanter fuerit executi.

NOTA IACOBI SIRMONTI
SOCIETATIS IESV.

¹ *In parochiis suis.*] Segusiensibus nimirum, in finibus Italiæ. Longobardorum enim duces, cum in Gallias temere irrupissent, victique & prostrati a Mummulo fuissent, Augustam & Segusium ciuitates cum integro illarum territorio Guntramno regi, vt Fredegarius cap. 45. scribit, multæ nomine cesserunt. Segusium porro Guntramnus cum pago vniuerso, vt in codice Anitiensi annotatum obseruauimus, ab Italis receptum Mauriennensi ecclesiæ subiecit. Quare ab episcopo Taurinensi, cuius antea fuerant, eadem nunc parochiæ repetebantur.

EPISTOLA CXXI.
GREGORII PAPÆ I.
AD THEODORICVM ET THEODEBERTVM
REGES FRANCORVM.

Vt episcopo Taurinensi restituantur ipsius parochiæ in regno Francorum sitæ, in quibus ordinatus fuerat nouus episcopus.

Gregorius Theodorico & Theodeberto regibus Francorum.

SVM MV M in regibus bonum est iustitiam colere, ac sua cuique iura seruare, & subiectis non sinere quod potestatis est fieri, sed quod æquum est custodire.

Concil. Tom. 13.

A a a a ij